摘藻堂四庫全書

薈

要

史部

欽定四庫全書 曾要 史部

詳校官員外郎博楊世綸



太子當與諸侍讀及叔文等論及官市事太子曰寡 說多計自言讀書知治道來間常為太子言民間疾出 方欲極言之衆皆稱贊獨叔文無言既退太子目留叔 欽定四庫全書薈要卷八千七百六十 灾足习事 企馬 炎善養俱出入東宮娱侍太子伍杭州人也叔文論 通鑑紀事本末卷三十四上 宋 袁樞 伾文用事 宗貞元十九年 通鑑紀事本末 初翰林待韶王任善書山陰王 撰

泣曰非先生寡人無以知此遂大爱幸與王伾相依附 子有所見敢不以聞太子職當視膳問安不宜言外事 陛下在位久如疑太子收人心何以自解太子大驚因 文謂曰向者君獨無言豈有意邪叔文曰叔文蒙幸太 結翰林學士韋執誼及當時朝士有名而求速進者陸 权文因為太子言某可為相某可為将幸異日用之密 卷三十四上

淳日温李景儉韓曄韓泰陳諫柳宗元劉禹錫等定為

死友而凌準程异等又因其黨以進日與遊處蹤跡詭

遊宴無度九月甲寅正一等皆坐遠貶人莫知其由伯 正一言已除事令章執誼反措正一等於上云其朋黨 士及第曄滉之族子諫嘗為侍御史宗元禹錫時為監 嘗為左司郎中温渭之子時為左拾遺景儉瑀之孫進 |被莫有知其端者藩鎮或陰進資幣與之相結淳異人 郎王仲舒主客員外郎劉伯芻等相親善叔文之黨疑 察御史左補闕張正一上書得召見正一與吏部員外

蜀逝之子也

十二月庚申以太常卿高郢為中書

R NJ I I A Sala 1

通鑑紀事本末

子獨以疾不能來德宗涕泣悲歎由是得疾日益甚凡 順宗永貞元年春正月辛未朔諸王親戚入賀徳宗太 二十年秋九月太子始得風疾不能言 餘慶之從父兄 弟也 侍即吏部侍郎鄭珣瑜為門下侍郎並同平章事珣瑜 二十餘日中外不通莫知兩官安否癸已德宗崩倉祭

四月白雪

卷三十四上

曰禁中議所立尚未定衆其敢對次公還言曰太子雖

召翰林學士鄭烟衛次公等至金鑾殿草遺詔宦官或

施蔗惟獨宦官李忠言昭容牛氏侍左右百官奏事自 惟中可其奏自德宗大漸王任先入稱詔召王叔文坐 真太子也乃喜而泣時順宗失音不能決事常居深宫 然必大亂網等從而和之議始定次公河東人也太子 即皇帝位於太極殿衛士尚疑之企足引領而望之曰 師粗安甲午宣遺詔於宣政殿太子線服見百官丙申 知人情憂疑紫衣麻鞋力疾出九德門召見諸軍使京 有疾地居冢嫡中外屬心必不得已猶應立廣陵王不 阿田西山 通鑑紀事本末

吳語上所褻押而叔文頗任事自許微知文義好言事 事王叔文欲專國政首引執誼為相己用事於中與 上以故稍敬之不得如伾出入無阻叔文入至翰林 無知者以杜佑攝冢宰二月癸卯上始朝百官於紫 林中使決事任以叔文意入言於忠言稱詔行下外 ·蘇州司功王叔文為起居舍人翰林學士征寢 辛亥以吏部郎中韋執誼為尚書左丞同平章 壬戌以殿中丞王伾為左散騎常侍依前翰

黨或言曰某可為某官不過一二日輔已得之於是叔 畏之道路以目素與往還者相次拔擢至日除數人 無人榮辱進退生於造次惟其所欲不拘程式士大夫 如狂互相推獎曰伊曰周曰管曰葛僩然自得謂天下 泰柳宗元劉禹錫等主采聴外事謀議唱和日夜汲汲 叔文可否然後宣於中書章執誼承而行之外黨則韓 伾依忠言忠言依牛昭容轉相交結每事先下翰林使 伍入至柿林院見李忠言牛昭容計事大抵叔文依

次至日華在馬

通鑑紀事本末

至宿其坊中餅肆酒爐下一人得千錢乃容之伍尤關 文及其黨十餘家之門晝夜車馬如市候見叔文伾者 諸用事人取軍士心以固其權又懼驟使重權人心不 月辛未以王伾為翰林學士 以王叔文為度支鹽鐀 **茸專以納賄為事作大櫃貯金帛夫婦寢其上** 令佑主其名而自除為副以專之叔文雖判兩使不以 服藉杜佑雅有會計之名位重而務自全易可制故先 運副使先是叔文與其黨謀得國賦在手則可以結

卷三十四上

羣曰去 歲李實怙思挾貴氣蓋一時公當此時遂巡路 黨誘以權利元衡不從由是左遷元衡平一之孫也侍 御史實羣奏屯田員外郎劉禹錫挾邪亂政不宜在朝 錫求為判官不許权文以元衡在風憲欲使附已使其 史元衡薄其為人待之莽鹵元衡為山陵儀仗使劉禹 史中丞武元衡為左庶子德宗之末叔文之黨多為御 簿書為意日夜與其黨屛人竊語人莫測其所為以御 又嘗謁叔文揖之曰事固有不可知者叔文曰何謂也

通監紀事本末

旁乃江南一吏耳今公一旦復據其地安知路旁無如 公者乎其黨欲逐之韋執誼以羣素有彊直名止之 欽定四庫全書 /

中外危懼思早立太子而王叔文之黨欲專大權惡聞 上疾久不愈時扶御殿羣臣瞻望而已莫有親奏對者

之宦官俱文珍劉光琦薛盈珍等皆先朝任使舊人疾

叔文忠言等朋黨專恣乃啓上召翰林學士鄭烟衛次

公李程王涯入金鑾殿草立太子制時牛昭容輩以廣

陵王淳英睿惡之絪不復請書紙為立嫡以長字呈上

更就以王叔文黨用事心惡之稱疾不出屢乞骸骨丁· 西諸宰執會食中書故事丞相方食百寮無敢謁見者 領之於已立淳為太子更名紀程神符五世孫也 文至中書欲與執誼計事令直省通之直省以信事 迎叔文就其閤語良久杜佑髙 叔文怒叱直省直省懼入白執誼執誼逡巡慙赧竟 報者云叔文索飯韋相公已與之同食閣中矣佑 郢 鄭 珀瑜皆停筋以

郢心知不可畏叔文執誼莫敢出言珣瑜獨歎曰吾豈

通鑑紀事本末

欽

定四庫全書

夏四月乙已上御宣政殿冊太子百官睹太子儀表退 可復居此位顧左右取馬徑歸遂不起二相皆天下重 相賀至有感泣者中外大喜而叔文獨有憂色口不 次歸 **卧叔文執誼等益無所顧忌遠近大懼**

言但吟杜甫題諸葛亮祠堂詩曰出師未捷身先死

使英雄淚滿襟聞者西之先是太常卿杜黃裳為裴

太常卿黃裳勸執誼帥羣臣請太子監國執誼驚

齡所惡留滞臺閣十年不遷及其婿韋執誼為相

子不悦故以質為侍讀使潛伺太子意且解之及質發 言太子怒曰陛下令先生為寡人講經義耳何為預他 郎中韓泰為其行軍司馬王叔文自知為內外所憎疾 朝為左右神策京西諸城鎮行營節度使甲戌以度支 中陸淳為太子侍讀仍更名質韋執誼自以專權恐 受恩三朝豈得以一官相買乎拂衣起出戊申以給 丈人甫得一官奈何啓口議禁中事黃裳勃然曰黃尝 ,質惶懼而出 五月辛未以右金吾大将軍范布

灾 包 目 車 全 考 一人

通鑑紀事本末

欲奪取官官兵權以自固籍希朝老將使主其名而實 學士名叔文始懼 以泰專其事人情不測其所為益疑懼 惡其專權削去翰林之職叔文見制書大驚謂人曰叔 文為户部侍郎依前充度支鹽鐵轉運副使俱文珍等 日時至此商量公事若不得此院職事則無因而至 汀州寧化尉士諤以公事至長安遇叔文用事公言 王伾即為疏請不從再疏乃許三五日一入翰林去 六月已亥贬宣欽巡官羊士 辛卯以王叔

卷三十四上

相 之意于叔文求都領級南三川謂 二人門下者皆懼先時劉闢以劔南支度副使將韋 聞貶士諤遂逃歸執誼初為叔文所引 誼又以為不可遂貶馬由是叔文始大惡執誼往來 於公若與某三川當以死相助若不與亦當有以 叔文怒亦将斬之執誼固執不可關尚遊長安 叔文聞之怒欲下詔斬之執誼不可則令杖然 掩其迹且迫於公議故時時為異同輔使人 通監に事本た 叔文曰太尉使闢致 用深附

叔文曰非敢員約乃欲曲成兄事耳叔文訴怒不之信 紀紊綱散府庫之積以略權門樹置心腹偏於貴位潛結 子殿以為聖上遠法髙宗亮陰不言委政臣下而所付 愈復歸春宫臣位無將相今之所陳乃其職分又上 萬機故久而未安請權令皇太子親監庶政俟皇躬 遂成仇怨 癸丑章皇上表以為陛下哀毀成疾重禁 左右憂在蕭牆竊恐傾太宗盛業危殿下家邦願殿下 人王叔文王任李忠言之徒朝當重任賞罰縱情

5四月全書

手密令其使歸告諸将曰無以兵屬人希朝至奉天諸 至無會邊上諸將各以狀辭中尉且言方屬希朝官者始 寤兵柄為叔文等所奪乃大怒曰從其謀吾屬必死其 王叔文既以范布朝韓泰主京西神策軍諸官者尚未 重臣遠處西蜀度王叔文不能動搖逐極言其姦俄而 同中外皆倚以為援而邪黨震懼均光庭之曽孫也 荆南節度使裴均河東節度使嚴緩殷表繼至意與皇

即日奏聞斥逐羣小使政出人主則四方獲安皐自恃

以身任國事之故不得親醫藥今將求假歸侍叔文比 忠言俱文珍劉元琦等飲於翰林叔文言曰叔文母 將無至者韓泰馳歸白之叔文計無所出惟曰奈何奈 能對但引滿相勸酒數行而罷丁已叔文以母喪去 誰肯見察以一言相助乎文珍隨其語輒折之叔文 何無幾其母病甚丙辰叔文盛具酒饌與諸學士及李 定四庫全書 心力不避危難皆為朝廷之思一旦去歸百誇交至 秋七月王叔文既有母喪韋執誼益不用其語

復其軍國政事權令皇太子純勾當時內外共疾王叔 疏三上不報知事不濟行且卧至夜忽叶曰伾中風矣 請起叔文為相且摠北軍既不獲則請以為威遠軍使 者聞者怕懼自叔文歸第王任失據日詣宦官及杜佑 明日遂輿歸不出已丑以倉部郎中判度支案陳諫為 平章事又不得其黨皆憂悸不自保是日伾坐翰林中 河中少尹伾叔文之黨至是始去 乙未制以積疹未

次 足 日 華 全 考 一天

通鑑紀事本末

文怒與其黨日夜謀起復必先斬執誼而盡誅不附

珍等以其售臣故引用之又以鄭珣瑜為吏部尚書高 郎左金吾大将軍表滋為中書侍郎並同平章事俱文 上固厭倦萬幾遂許之又以太常卿杜黄裳為門下侍 文黨與專怨上亦惡之俱文珍等屢放上請令太子監國 朕稱太上皇制勅稱語辛丑太上皇徙居興慶宮語改 郢為刑部尚書並罷政事太子見百官於東朝堂百官 拜賀太子涕泣不答拜八月庚子制令太子即皇帝位 元永貞立良娣王氏為太上皇后后憲宗之母也壬寅

貶神策行軍司馬韓泰為撫州刺史司封郎中 |贬王伾開州司馬王叔文渝州司户伾尋病死貶所 èß 池州刺史禮部員外郎柳宗元為邵州刺史屯田員外 異同且杜黃裳婿故獨後貶然叔文敗執誼亦自失 郎劉禹錫為連州刺史 年賜叔文死乙已憲宗即位於宣政殿 同平章事章執誼為崖州司馬執誼以嘗與王叔文 知禍且至雖尚為相常不自得奄奄無氣聞人行 冬十一月壬申貶中書侍 几月己

10t & 410 | 1

通鑑紀事本末

韓雖為饒州司馬柳宗元為水州司馬劉禹錫為朗州 輒惶悸失色以至於貶 政有憐其才欲漸進之者悉召至京師諫官爭言其 憲宗元和十年王叔文之黨坐謫官者凡十年不量移執 為連州司馬岳州刺史程异為郴州司馬 司馬又貶河中少尹陳諫為台州司馬和州剌史凌準 之黨既貶有記雖遇赦無得量移 即出為刺史貶之太輕已卯再貶韓泰為度州司馬 朝議謂王叔文之黨或自員 初王叔文

港三十四上

<u>承表度亦為禹錫言曰禹錫誠有罪然母老與其子死</u> 馬劉禹錫為播州刺史宗元曰播州非人所居而夢得 雖進而地益遠永州司馬柳宗元為柳州刺史朗州司 重可責也度曰陛下方侍太后恐禹錫在所宜於上良久 别良可傷上曰為人子尤當自謹勿貽親憂此則禹錫 可上與武元衡亦惡之三月乙酉皆以為遠州刺史官 在堂萬無母子俱往理欲請於朝願以柳易播會中

乃曰朕所言以責為人子者耳然不欲傷其親心退謂

通鑑紀事本末

左右曰裴度愛我終切明日禹錫改連州刺史 幸車竟車在蜀二十一年重加賦斂豐貢獻以結主思 官崇者則為刺史已復還幕府終不使還朝恐泄其所 久安其位而士卒樂為之用服南韶推吐蕃幕僚歲久 厚給賜以撫士卒士卒婚嫁死喪皆供其資費以是得 唐順宗永貞元年秋七月癸丑西川節度使南康忠武王 為故也府庫既實時寬其民三年復租賦蜀人服其智 憲宗平野劉闢

卷三十四上

兵自守索滋畏其殭不敢進上怒貶滋為吉州刺史 度事上以初嗣位力未能討故也右諫議大夫韋丹上 十月戊戌以中書侍郎同平章事素滋同平章事充而 謀而畏其威至今畫像以為土神家家祀之度支副使 川節度使微劉闢為給事中 十一月劉闢不受徵阻 未以索滋為剱南東西川山南西道安撫大使 開自為留後 十二月已酉以給事中劉闢為西川節度副使知節 劉闢使諸將表求節鉞朝廷不許已

通鑑紀事本末

憲宗元和元年劉闢既得旌節志益驕求無領三川上 疏以為今釋闢不誅則朝廷可以指臂而使者惟兩京 耳此外誰不為叛上善其言壬子以丹為東川節度使 於其頸欲使屈服而赦之為叱之曰豎子當斬即斬我 械繫於散引出將斬之陰戒行刑者使不殺但數碼刀 文若為東川節度使推官莆田林蘊力諫闢舉兵關怒 不許關遂發兵圍東川節度使李康於梓州欲以同幕盧 丹津之五世孫也

庫

全書

- 卷三十四上

三千為次軍與山南西道節度使嚴礪同討劉闢時宿 騎五千為前軍神策京西行營兵馬使李元弈將步 監軍關必可擒上從之翰林學士李吉甫亦勸上討蜀 策軍使高崇文勇略可用願陛下專以軍事委之勿置 上由是器之戊子命左神策行營節度使高崇文將並 通鑑紀事本末

昌尉上欲討闢而重於用兵公卿議者亦以為蜀險固

頸豈汝砥石邪闢顧左右曰真忠烈之士也乃點為唐

難取杜黃裳獨曰關狂戆書生取之如拾於耳臣知神

嘗有出朝廷之意者陛下必欲振舉綱紀宜稍以法度 皆大端上與杜黃裳論及藩鎮黃裳曰德宗自經憂患 用兵討蜀以致威行兩河皆黃裳啓之也高崇文屯長 將名位素重者甚眾皆自謂當征蜀之選及詔用崇文 裁制藩鎮然後天下可得而理也上深以為然於是始 與則授之中使或私受大將點歸而譽之即降旄鉞未 務為姑息不生除節帥有物故者先遣中使察軍情所 武城練卒五千常如冤至卯時受詔辰時即行器械 四月台門 卷三十四上

表言高崇文客軍遠屬無所資若與梓州級其士心必 以求自雪崇文以康敗軍失守斬之丙子嚴礪奏克梓 闢將邢泚引兵遁去崇文入屯梓州闢歸李康於崇文 刺史文徳昭 斬之以徇劉闢陷梓州執李康二月嚴礪拔劒州斬 州崇文軍至興元軍士有食於逆旅折人匕節者崇文 丁丑制削奪劉闢官爵 東川節度使韋丹至漢 三月髙崇文引兵自閬州趨梓州劉

通鑑紀事本末

無所關甲午崇文出斜谷李元爽出駱谷同趨

武甲午詔凡西川繼接之兵悉取崇文處分 能有功夏四月丁酉以崇文為東川節度副使知節度 堆戊戌崇文遣聽將范陽萬霞寓攻奪之下職關城內 為宗文六月丁酉崇文擊敗之闢置柵於關東萬勝)於漢州嚴礪遣其將嚴秦破關眾萬餘人於綿州 定匹庫全書] 夏五月劉闢城鹿頭關連八柵屯兵萬餘人 秋七月癸丑髙崇文破劉闢之衆萬人於 **庚子髙崇文破劉闢於徳陽癸卯又**

中憂懼於是關綿江柵將李文悦鹿頭守將仇良輔皆 泉於神泉河東將阿趺光顏將兵會髙崇文於行營怒 文若帥數十騎西犇吐蕃崇文使高霞寓等追之及於 驅直指成都所向崩潰軍不留行辛亥克成都劉闢盧 以城降於崇文獲闢婿蘇疆士卒降者萬計崇文逐長 壬寅髙崇文又敗劉闢之衆於鹿頭關嚴秦敗劉闢之 一日懼誅欲深入自贖軍於鹿頭之西斷其糧道城

羊灌田闢赴江不死擒之丈若先殺妻子乃繫石自沈

通鑑紀事本末

把定四車全書 一

崇文入成都屯於通衢休息士卒市肆不驚珍寶山積 禮之草表薦式等厚贐而遣之目段文昌曰君必為將 載都士美段文昌等素服麻屦街土請罪崇文皆釋而 得免從融之自孫也幸旱參佐房式幸乾度獨孤密行 指為一境皆平初韋阜以西山運糧使崔從知邛州事 行餘無所問軍府事無鉅細命一遵幸南康故事從容 秋毫不犯檻劉闢送京師斬闢大將那此館驛巡官沈 關反從以書諫關關發兵攻之從嬰城固守關敗乃

意邪崇文義不為此乃以配將吏之無妻者杜黃裳建 也關有二妾皆殊色監軍請獻之崇文曰天子命我討 相未敢奉薦載廬山人式琯之從子文昌志玄之玄孫 月制割資簡陵榮昌瀘六州隷東川房式等未至京師 力及蜀平宰相入賀上目黄裳曰卿之功也 議征蜀及指授高崇文方略皆懸合事宜崇文素憚別 平凶豎當以撫百姓為先遷獻婦人以求媚豈天子之 羅黃裳使謂之曰若無功當以劉雅相代故能得其死 通鑑紀事本末

皆除省寺官两寅以高崇文為西川節度使戊辰以嚴 度使最至漢中府兵討劉闢還未至城記復遣成梓州 以不受詔命故汝曹得以立功豈可復使它人誅汝以 軍士怨怒智監軍謀作亂晟聞之疾驅入城慰勞之既 為功邪衆皆拜謝請請及所如詔書軍府由是獲安 而問曰汝曹何以得成功對曰誅反者劉闢耳晟曰闢 礪為東川節度使與午以将作監柳最為山南西道節 戊子劉闢至長安并族黨誅之 卷三十四上

觀察使諸道鹽鐵轉運使舒國貞之子也問廢官於 進奉上由是悦之 唐德宗貞元十五年春二月以常州刺史李錡為浙西 齊運受其路數十萬薦之於上故用之錡刻剥以事

憲宗平吳李绮

罪受戮者相繼浙西布衣崔善貞詣闕上封事言宫市

通避紀事本末

結權貴恃此縣縱無所忌憚盜取縣官財所部官屬無

十七年李錡既執天下利權以貢獻固主恩又以饋潰

落給賜十倍它卒轉運判官盧坦屢諫不悛與幕僚李 院中生瘗之遠近聞之不寒而慄錡復欲為自全計增 **绮绮闻其将至先鑿院於道旁已亥善貞至并鎖械内** 廣兵衆選有材力善射者謂之挽彊胡奚雜類謂之番 轉運使以浙西觀察使李錡為鎮海節度使解其鹽鐵 順宗永貞元年春三月丙戌加杜佑度支及諸道鹽鐵 約等皆去之約勉之子也

進奉及鹽鐵之弊因言錡不灋事上覽之不悅命械送

撫且勞其將士绮雖署判官王澹為留後實無行意屋 李绮且反必奏族臣上然之留為吏部郎中 十二月以刑部郎中杜兼為蘇州刺史無辭行上書稱 度使李錡亦不自安求入朝上許之遣中使至京口慰 憲宗元和二年夏蜀既平潘鎮惕息多求入朝鎮海節 遷行期澹與勅使數勸諭之錡不悦上表稱疾請至歲

轉運使绮雖失利權而得節族故反謀亦未發

幕入朝上以問宰相武元衡曰陛下初即政绮求朝得

徵銷為左僕射以御史大夫李元素為鎮海節度使 朝求止得止可否在舒將何以令四海上以為然下記 澹遣勅使入謁有軍士數百誤於庭曰王澹何人擅 錡益不平密論親兵使殺之會頌冬服錡嚴兵坐幄中 微之绮詐窮遂謀反王澹既掌留務於軍府頗有制置 勃使之頸詬詈將殺之錡陽薦起救之冬十月己未 軍務曳下醫食之大將趙琦出慰止又屬食之注刃於 丁錡表言軍變殺留後大將先是錡選腹心五人為所

募鄉問子弟數百夜襲趙惟忠管斬之蘇州刺史李奏 使斬李深傳機蘇杭湖睦請同進討湖州刺史辛秘潛 治石頭城常州刺史顏防用客李雲計矯制稱招討副 會錡敗免乙丑制削李錡官爵及屬籍以淮南節度使 州丘自昌處杭州高肅處睦州各有兵數千伺察刺史 動靜至是錡各使殺其刺史遣牙將庾伯良將兵三千 |姚志安所敗生致於錡具桎梏釘於船般未及京口

五州鎮将姚志安處蘇州李深處常州趙惟忠處湖

決 足 习 事 全 書 一

王鍔統諸道兵為招討處置使徵宣武義寧武昌兵并 集常湖二將繼死其勢已壓今乃欲使吾輩遠取宣城 将裴行立同謀討之行立錡之甥也故悉知錡之密謀 良李奉仙田少卿將兵三千襲之三人知錡必敗與牙 以討之 李錡以宣州富饒欲先取之遣兵馬使張子 淮南宣歙兵俱出宣州江西兵出信州浙東兵出杭州 吾輩何為隨之滅族豈若棄逆效順轉禍為福乎衆 三將營於城外將發召士卒諭之曰僕射反逆官軍四 卷三十四上

伏兵邀斬之錡舉家皆哭左右執錡聚之以幕絕於城 跣足匿樓下親將李釣引挽殭三百趨山亭欲戰行 許諾即夜還趨城行立舉火鼓躁應之於內引兵趨 下械送京師挽殭蕃落爭自殺尸相枕籍癸酉本軍以 一親兵部郎中蔣义曰錡大功親皆淮安靖王之後 绮聞子良等舉兵怒聞行立應之撫膺曰吾何望名 乙亥奉臣賀於紫宸殿上愀然曰朕之不德致宇內 有干紀者朕之愧也何賀之為宰相議誅錡大功以

中丞盧坦上言李绮父子受誅罪已塞矣昔漢誅霍禹 安上御與安門面詰之對曰臣初不反張子良等教臣 貞死王事豈可使之不祀乎宰相以為然辛已鈴從父 乎又欲誅其兄弟人曰绮兄弟故都統國貞之子也國 弟宋州刺史銛等皆貶官流放十一月甲申朔錡至長 淮安有佐命之功陪陵享廟豈可以末孫為惡而累之 耳上曰卿為元帥子良等謀反何不斬之然後入朝錡 以對乃并其子師回腰斬之有司請毀錡祖考家

賦上嘉歎久之即從其言 其財陛下閔百姓無告故討而誅之今華金帛以輸 弟罪不相及況以錡為不善而罪及五代祖乎乃不毀 京恐遠近失望願以逆人資財賜浙西百姓代今年 李錡僭侈割剥六州之人以富其家或枉殺其身而取 有司籍錡家財輸京師翰林學士裴垍李絳上言以為 不罪霍光先朝誅房遺愛不及房玄齡康語曰父子只 ,田弘正

通鑑紀事本末

主

清鎮將欲殺之與陽為風痺灸灼滿身乃得免季妄病 内兵馬使田興庭玠之子也有勇力煩讀書性恭遜李 初季安娶名州刺史元誼女生子懷諫為節度副使牙 唐憲宗元和七年秋八月戊戌魏博節度使田季安薨 與為步射都知兵馬使辛亥以左龍武大将軍薛平為 安淫尾與數規諫軍中賴之季安以為收衆心出為臨 大使知軍務時年十一遷季安於別寢月餘而薨召田 殺戮無度軍政廢亂夫人元氏召諸將立懷諫為副

吉甫盛陳不可不用兵之狀上曰朕意亦以為然絳曰 甫請與兵討之李絳以為魏博不必用兵當自歸朝 是以諸將互相顧忌莫敢先發跋扈者恃此以為長策 敵其能相制欲廣相連結則眾心不同其謀必泄欲獨 臣竊觀兩河藩鎮之跋扈者皆分兵以隸諸将不使專 在一人恐其權任太重乗間而謀已故也諸將勢均力 起為變則兵少力微勢必不成加以購賞既重刑誅又峻 鄭滑節度使欲以控制魏博上與宰相議魏博事空

定四車全書一

大權必有所歸諸將厚薄不均怨怒必起不相服從然 則鄰日分兵之策適足為今日禍亂之階也田氏不為 歸也但願陛下按兵養威嚴勅諸道選練士馬以須後 鄰道所發粉矣故臣以為不必用兵可坐待魏博之自 鄰道所惡莫甚於此彼不倚朝廷之援以自存則立為 屠肆則悉為俘囚矣何煩天兵哉彼自列将起代主 之則粗能自固矣今懷諫乳臭子不能自聽對軍

然臣竊思之若常得嚴明主帥能制諸將之死命者以

所費七百餘萬緣記無成功為天下笑今瘡康未復人 發兵近二十萬又發兩神策兵自京師赴之天下騷 懼爭為恭順矣此所謂不戰而屈人兵者也上曰善它 有備上顧問絳絳對曰兵不可輕動前年討恒州四面 日吉甫復於延英盛陳用兵之利且言易糧金帛皆己 兩河潘鎮聞之恐其麾下效之以取朝廷之賞必皆恐 勅使賊中知之不過數月必有自效於軍中者矣至時 定四車全書一 在朝廷應之敏速中其機會不受爵禄以賞其人使 通鑑紀事本末

皆憚戰若又以動命驅之臣恐非直無功或生它變況 魏博不必用兵事勢明白願陛下勿疑上奮身撫案曰 家臣將士則數以愛憎移易諸將衆皆憤怒朝命久未 拜賀曰此社稷之福也既而田懷諫幼弱軍政皆決於 **熒惑聖聴者上正色属聲曰朕志已決誰能惑之絳乃** 朕不用兵決矣絳曰陛下雖有是言恐退朝之後復 請為留後興驚仆於地眾不散久之興度不免乃謂恕 至軍中不安田興晨入府士卒數千人大課環與而拜 卷三十四上 **飲定四車全書 泉坐待詔命不乗此際推心撫納結以大恩必待勅使** 灋令申版籍請官吏然後可皆曰諾與乃殺蔣士則等 至彼持將士表來為請節鉞然後與之則是思出於下 中使宣慰以觀其變李絳曰不可今田興奉其土地 十餘人遷懷諫於外 冬十月乙未魏博監軍以狀聞 上巫召宰相謂李絳曰卿揣魏博若符契李吉甫請遣 出於上將士為重朝廷為輕其感戴之心亦非今日 通鑑紀事本末

日汝肯聽吾言乎皆曰惟命興曰勿犯副大使守朝

鎮獨無恐更不諭上竟遣中使張忠順如魏博宣慰欲 之比也機會一失悔之無及吉甫素與樞密使梁守謙 順之行甫應過陝乞明旦即降白麻除與節度使猶可 一舉時機可惜奈何棄之利害甚明願聖心勿疑計忠 俟其還而議之癸卯李絳復上言朝廷恩威得失在此 及也上欲且除留後緣曰興恭順如此自非恩出不次 結守謙亦為之言於上曰故事皆遣中使宣勞今此 無以使之感激殊常上從之甲辰以與為魏博節度

之地來歸刻河朔之腹心傾叛亂之黑穴不有重賞過 將何以給之上以語絳絳曰田興不貪專地之利不顧 百五十萬緣以賜之左右宦官以為所與太多後有此比 其所望則無以慰士卒之心使四鄰勸慕請發內庫 使忠順未還制命已至魏州興感恩流涕士衆無不鼓 李絳又言魏博五十餘年不霑皇化一旦舉六州

四鄰之患歸命聖朝陛下奈何愛小費而遺大計不以

一道人心錢用盡更來機事一失不可復追借使國

通艦紀事本末

臣上下之義與聽之終夕不倦待度禮極厚請度偏至所 數華見之相顧失色歎曰倔彊者果何益乎度為與陳君 州百姓給復一年軍士受賜散聲如雷成德充軍使者 知制語裴度至魏博宣慰以錢百五十萬獨賞軍士六 為欲平定四方不然徒貯之府庫何為十一月辛酉遣 十萬緣而已乎上悦曰朕所以惡衣菲食蓄聚貨財正 家發十五萬兵以取六州期年而克之其費豈止百五 部州縣宣布朝命奏乞除節度副使於朝廷詔以户部

一飲定四庫全書

注擬行朝廷灋令輸賦稅田承嗣以來室屋僭侈者皆 郎中河東胡澄為之與又奏所部缺官九十員請有司 我則以兵東取曹州師道懼不敢動田興既葬田季 非其族又首變兩河事亦公之所惡也我將與成德合 人謂宣武節度使韓弘曰我世與田氏約相保援今與 軍討之弘曰我不知利害知奉詔行事耳若兵北渡河 不居耶察恒遣遊客問說百方與然不聴李師道

送田懷諫於京師辛已以懷諫為右監門衛將軍

通濫犯事本末

十四年秋八月已未田弘正入朝上待之尤厚 以田弘正無侍中魏博節度使如故弘正三表請留上 遣中使以手詔授本軍大將但軍士所附者即授之 唐德宗貞元二十年夏六月昭義節度使李長榮薨上 子姪皆仕諸朝上皆擢居顯列朱紫盈庭時人榮之 飲定四庫全書 不許弘正常恐一旦物故魏人猶以故事繼襲故兄弟 八年春正月辛卯賜魏博節度使田與名弘正 憲宗討成徳王承宗

肯受韶從史請且勾當此軍監軍曰盧中丞若如此此 從史其位居四潛與監軍相結起出伍曰若來大夫不 聚曰此軍取人合是希皓但作節度使不得若朝廷 亦固合聖旨中使因探懷取韶以授之從史棒韶再 取大將拔與節鉞朝廷不別除人布皓固辭兵馬使盧 钦定四車全書 一 大将來希皓為衆所服中使將以手韶付之希皓言於 東草來希皓亦必敬事中使言面奉進止只令此軍 蹈希皓亟回揮同列北面稱賀軍士畢集更無一言

秋八月已未韶以從史為節度使 憲宗元和二年冬十一月昭義節度使盧從史內與王

四年春三月成德節度使王士真薨其子副大使承宗 令還上黨從史託言就食那洛不時奉韶久之乃還

没則代領軍務 王承宗叔父士則以承宗擅自立恐

褐及宗與幕客劉栖楚俱自歸京師詔以士則為神

自為留後河北三鎮相承各置副大使以嫡長為之父

士真劉濟潛通而外獻策請圖山東擅引兵東出上召

諸學士李絳等對曰河北不遵聲教誰不憤歎然今日 垍曰李納跋扈不恭王武俊有功於國陛下前許師 自朝廷除人不從則與師討之中書侍郎同平章事 取之或恐未能成德軍自武俊以來父子相承四十餘 **今奪承宗沮勸違理彼必不服由是議久不決上以問** ,即奉韶又范陽魏博易定淄青以地相傳與成德 人情貫習不以為非況承宗已總軍務一旦易之恐 一欲革河北諸鎮世襲之弊乗王士真死

於定四華全書一·

體彼聞成德除人必內不自安陰相黨助雖茂昭有請 四面攻討彼將帥則加官爵士卒則給衣糧按兵玩 坐觀勝負而勞費之病咸歸國家矣今江淮水公私 意奪裴垍權自請將兵討之上疑未決宗正少卿 退有利若所除之人得入彼則自以為功若記令有 恐非誠所以然者今國家除人代承宗彼鄰道勸 軍旅之事殆未可輕議也左軍中尉吐哭承难欲布 不行彼因潛相交結在於國體豈可遽休須應題

承宗輸二税請官吏一如師道何如李絳等對曰徳 說上請發本軍討承宗士辰起復從史左金吾大 成徳留後割其徳棣二州更為一鎮以離其勢並 節度使虚從史遭父喪朝廷久未起復從史懼因承 秋七月上密問諸學士曰今欲用王承宗

統諸

朕欲將承璀故上此奏卿曹記之自今勿令得進用

軍誰敢不服上以拭狀示諸學士曰此姦臣也

拭奏稱承宗不可不討承璀親近信臣宜委以禁兵

ALL OF LAND CO. CALL

或潛相構扇萬一旅拒倍難處置願更三思所是二稅 疑怨望得以為辭況其鄰道情狀一同各處它日分割 之隷成德為日已久今一旦割之恐承宗及其將士憂 官吏願因另祭使至彼自以其意論承宗令上表陳乞 者皆言宜乗此際代之不受則發兵討之時不可失 若其物故豈可盡如成徳付授其子天下何時當平議 如師道例勿令知出陛下意如此則幸而聴命於理固 順若其不聴體亦無損上又問令劉濟田季安皆有疾

皆國家臂指之臣劉閥李錡獨生狂謀其下皆莫之與 **躁競之人爭厭策畫勸開河北不為國家深謀遠慮陛** 固歲深外則蔓連勢廣其將士百姓懷其累代煦嫗之 闢錡徒以貨財啗之大軍一臨則溪然離耳故臣等當 之勢與二方異何則西川浙西皆非反側之地其四鄰 下亦以前日成功之易而信其言臣等夙夜思之河北 何對曰羣臣見陛下西取蜀東取吳易於反掌故諂諛 亦勸陛下誅之以其萬全故也成德則不然內則膠

一次足习事私書

為子孫之謀亦愿它日及此故也萬一餘道或相表裏 勝道哉濟季安與承宗事體不殊若物故之際有間可 兵連禍結財盡力竭西戎北狄乗間窺窬其為憂患可 盖又鄰道平居或相猜恨及聞代易必合為一心盖各 恩不知君臣逆順之理論之不從威之不服將為朝廷 乗當臨事圖之於今用兵則恐未可太平之業非朝夕 病必不起准西事體與河北不同四旁皆國家州縣不 可致願陛下審處之時吳少誠病甚絳等復上言少誠 卷三十四上 甚恭曰三軍見迫不服俟朝吉請獻徳棣二州以明怨 月壬午上乃遣京兆少尹裴武請真定宣慰承宗受詔 獲申蔡之利既而承宗久未得朝命煩懼累表自訴八 威令頓廢不如早賜處分以收鎮冀之心坐待機宜必 議征討臣願捨恒冀難致之策就申察易成之謀脱或 興財力之用不足償事不得已願放承宗則恩徳虚施 恒其連兵事未如意蔡州有豐勢可興師南北之役俱 與賊鄰無黨接相助朝廷命即今正其時萬一不從

之者曰武使還先宿裝垍家明旦乃入見上怒甚以語 節度恒其深趙州觀察使徳州刺史薛昌朝為保信軍 者累日比至徳州已不及矣上以表武為欺罔又有譖 節度德棣二州觀察使昌朝嵩之子王氏之婿也故就 真定囚之中使送昌朝節過魏州李安陽為宴勞留使 廷通故受節鉞承宗遽遣數百騎馳入徳州執昌朝至 用之田季安得飛報先知之使謂承宗曰昌朝陰與朝 九月甲辰朔裴武復命展戊以承宗為成德軍

具陳利害如此非國家之利也且垍武久處朝廷諳绅 者以武為戒茍求便身率為依阿兩可之言莫肯盡該 地使還一語不相應遽竄之遐荒臣恐自今奉使賊廷 得守其初心者非武之罪也今陛下選武使入逆亂之 **敬成徳開分割之端計必有陰行間説誘而脅之使不** 宗始懼朝廷誅討故請獻二州既蒙思貸而鄰道皆不 李絳欲貶武於嶺南絳曰武昔陷李懷光軍中守節不 屈豈容今日遽為姦回蓋賊多變詐人未易盡其情永 通鑑紀事本末

|士白居易上奏以為國家征伐當責成將帥近歲始以 陽浙西宣歙等道行營兵馬使招討處置等使翰林學 宗官爵以左神策中尉吐突承璀為左右神策河中河 使遣薛昌朝還鎮承宗不奉詔冬十月癸未制削奪至 之上良久曰理或有此遂不問 上遣中使諭王承宗 事體豈有使還未見天子而先宿宰相家乎臣敢為陛」 中使為監軍自古及今未有徵天下之兵專令中使於 下必保其不然此殆有讒人欲傷武及垍者願陛下察

傳云以中官為制將都統自陛下始乎臣又恐劉濟 昭及希朝從史乃至諸道將校皆恥受承璀指麾心 聞之必輕朝廷四夷聞之必笑中國陛下忍今後代 也又統諸軍招討處置使即承璀乃都統也臣恐四方 念承璀勤勞貴之可也憐其忠赤富之可也至於 何由立此是資承宗之計而挫諸將之勢也 理亂朝廷制度出自祖宗陛下寧忍徇下

通鑑紀事本末

領者也今神策軍既不置行營節度使即承璀乃制

時之間而取笑於萬代之後乎時諫官御史論承璀職 之情而自愿法制從人之欲而自損聖明何不思於 言其不可上不得已明日削承璀四道兵馬使改處置 議大夫五簡給事中日元膺移質右補閥獨派郁等極 為宣慰而已李絳當極言宦官驕横侵害政事讒毀 名太重者相屬上皆不聽戊子上御延英殿度支使李 元素鹽鐵使李鄘京兆尹許孟容御史中丞李夷簡諫

貞上曰此屬安敢為讒就使為之朕亦不聴絳曰此屬

招討 吐突承难将神策兵發長安命恒州四面藩鎮各進兵 古宦官敗國者備載方冊陛下豈得不防其漸乎己亥 矣計為之奈何其將有超伍而言者曰願借騎五千以 之端朝夕左右浸潤以入之陛下必有時而信之矣自 大抵不知仁義不分枉直惟利是嗜得貼則譽跖蹻為 師不跨河二十五年矣令一旦越魏伐趙趙虜魏亦 **庶良怫意則毀龔黃為貪暴能用傾巧之智構成疑** 田李安聞吐突永璀将兵討王承宗聚其徒曰

将 除君憂李安大呼曰壯哉兵決出格沮者斬幽州牙 是引天下之兵也何者今王師越魏伐趙不使者臣宿 之謀此乃天子自為之謀欲将今服於臣下也若 叩趙而先碎於魏是上之謀反不如下其能不恥於 而專付中臣不輸天下之甲而多出春甲君 乎既恥且怒必任智士畫長策仗猛將練精兵畢 譚忠為劉濟使魏知其謀入謂季安曰如其之 ,河鑑前之敗必不越魏而伐趙校罪輕重必 知誰

於魏乎趙人脱不拒君是魏霸基安矣李安曰善先生 飲定四庫全書 臣於趙有角尖之耗於魏獲不世之利執事豈能無意 奏捷天子以為符信此乃使魏北得以奉趙西得以為 魏賣友魏若與趙則河南忠臣謂魏及君賣友反君之 曰伐趙而可陰遺趙人書曰魏若伐趙則河北義士謂 則若之何忠曰王師入魏君厚犒之於是悉甲壓境號 魏不忍受執事若能陰解陣障遺魏一城魏得持

先趙而後魏是上不上下不下當魏而來也季安曰此

忠疾對曰天子終不使我伐趙趙亦不備燕濟怒曰爾 胡憂而得專心於承宗濟乃解獄召忠曰信如子銜矣 果不為備後一日詔果來令濟專護比殭勿使朕復挂 知我怨趙今命我代之趙亦必大備我代與不代孰利 歸幽州謀欲激劉濟討王承宗會濟合諸將言曰天子 何以知之忠曰虚從史外親燕内實是之外絕趙内實 何不直言濟與承宗反乎命緊忠欲使人視成徳之境

之來是天者魏也遂用忠之謀與趙陰計得其堂陽忠

之心卒染私趙之口不見徳於趙人惡聲徒嘈嘈於天 次包日長公告 屋 不備燕潞人則走告於天子曰燕厚怨趙趙見伐而不 知今天子伐趙君坐全燕之甲一人未濟易水此正使 備燕是燕反與趙也此所以知天子終不使君伐趙趙 為備一旦示趙不敢抗燕二旦使燕獲疑天子趙人既 人以燕賣恩於趙敗忠於上兩皆售也是燕貯忠義 不備燕也濟曰今則奈何忠曰燕趙為怨天下無不 通鑑紀事本末

與之此為趙畫曰燕以趙為障雖怨趙必不殘趙不必

禁行人不閉里門三夜如平日亦無敢喧譁者丁卯 **畢出後者醢以徇** 請罷張燈張茂昭曰三鎮官軍也何謂外軍命張燈不 五年春正月劉濟自將兵七萬人擊王永宗時諸軍皆 下耳惟君熟思之濟曰吾知之矣乃下今軍中曰五日 東將王荣拔王承宗回湟鎮吐突承谁至行管威令下 軍為恒州北道招討會於定州會望夜軍吏以有外軍 **水進濟獨前奮擊拔饒陽東應河東河中振武義武四**

將也軍中奪氣 諸軍討王承宗者久無功白居易上 亦是力難支敵希朝茂昭至新市鎮竟不能過劉察 失大將與從史兩軍入賊境遷延進退不惟意在逗 軍攻圍樂壽久不能下師道季安元不可保察其 以為河北本不當用兵今既出師承璀未嘗苦戰 與承宗戰屢敗左神策大將軍酈定進戰死定進 何所望以臣愚見速須罷兵若又遲疑其害有四 計會各收一縣遂不進軍陛下觀此事勢成 通鑑紀事本末

宗膠固同類如此州與奪皆由鄰道恩信不出朝廷 非晚今遲校一日有一日之費更延旬月所費滋多終 若章表繼來即義無不許請而後捨體勢可知轉令承 度多少既的知不可即不合虚費貨糧悟而後行事亦 為痛惜者二可為深憂者二何則若保有成即不論 侯轉令殭大此臣為陛下痛惜者一也臣又恐河北諸 須罷兵何如早罷以府庫錢帛百姓脂膏資助河北 定四庫全書 | 見吳少陽已受制命必引事例輕重同詞請雪承宗

堪縱不惜身亦難忍苦況神策烏雜城市之人例皆不 若散諸軍必搖事忽至此悔將何及此為陛下深息 力之彊弱資費之多少豈宜使西戎北屬一一知之忽 **兵氣相蒸至於飢渴疲勞疾疫暴露驅以就戰人何以** 恐威權盡歸河北此為陛下痛惜者二也今天時已 聚天下之兵惟討承宗一賊自冬及夏都未立功則兵 也臣聞回鶻吐蕃皆有細作中國之事小大盡知今 如此忽思生路或有犇逃一人若逃百人相扇一軍

通鑑紀事本末

深憂者二也 盧從史首建伐王承宗之謀及朝廷與 誠言從史陰謀及可取之狀垍令羽元還本軍經營領 又高易栗之價以販度支諷朝廷求平章事証奏諸道 兵連禍生何事不有萬一及此實關安危此其為陛下 見利生心水虚入冤以今日之勢力可能救其首尾哉 奏事裴垍引與語為言為臣之義微動其心翊元逐 與賊通不可進兵上甚患之會從史遣牙將王翊元入 師從史逗遛不進陰與承宗通謀令軍士潛懷承宗號

璀盛陳奇玩視其所欲稍以遺之從史喜益相昵押甲 以歲月平也上初愕然熟思良久乃許之從史性貪承 璀如嬰兒往來殊不設備失今不取後雖與大兵未可 曰從史狡猾驕很必且為亂今聞其與承难對管視承 於幕下突出擒詣帳後縛之内車中馳請京師左右 来京師遂得其都知兵馬使鳥重角等款要垍言於 承璀斬十餘人諭以詔吉從史營中士卒聞之皆甲 承璀與行營兵馬使李聴謀召從史入營博伏壯士

通鑑紀事本末

出境重角承洽之子聴晟之子也 丁亥范希朝張茂 賞敢達者斬士卒皆斂兵還部伍會夜車疾驅未明已 當昭義留後終上言昭義五州據山東要害魏博恒幽 以出操兵超謹烏重盾當軍門叱之曰天子有詔從者 諸鎮蟠結朝廷惟恃此以制之磁邢洺入其腹内誠國 陽節度使孟元陽鎮昭義會吐突承璀奏已牒重肯勾 昭大破承宗之衆於木刀溝 上嘉烏重 盾之功欲即 授以昭義節度使李絳以為不可請授重盾河陽以河 炭 四 庫 全 · 一 卷 三 十四上

家誘執從史雖為長策已失大體今承璀又以文牒差 人為重鎮留後為之求旌節無君之心孰甚於此陛下 而得之承难復以與重角臣聞之驚歎實所痛心昨 則從史雖蓄姦謀已是朝廷牧伯重角出於列校以承 將物情頓沮紀綱大豪校計利害更不若從史為之何 室地安危所繫也鄰為從史所據使朝廷旰食今幸 日得昭義人神同慶威令再立今日忽以授本軍牙 一牒代之竊恐河南北諸侯聞之無不憤怒恥與為

通鑑紀事本末

之威重去矣上復使樞密使梁守謙密謀於絲曰今重 道繼有章表陳其情狀并指承璀專命之罪不知陛下 伍且謂承璀誘重角使逐從史而代其位彼人人麾下 各有將校能無自危乎儻劉濟茂昭季安執恭韓引 威福之柄不在朝廷何以異於從史乎重爲之得河陽 何以處之若皆不報則衆怒益甚若為之改除則朝廷 廷故格其邪心然成逆節今以重角典兵即授之節 已總軍務事不得已須應與節對曰從史為帥不

重角為河陽節度使戊戌贬盧從史職州司馬 已為望外之福豈敢更為旅拒況重角所以能執從 叉不如前不知陛下復何所待是時上每有軍國大事 六月甲申白居易復上奏以為臣比請罷兵令之事勢 它鎮乃愜泉心何憂其致亂乎上悦皆如其請去辰以 動乎重倚軍中等夷甚多必不願重倚獨為主帥移 必與諸學士謀之嘗踰月不見學士李絳等上言臣等 本以仗順成功一旦自逆詔命安知同列不襲其迹 المل الله الله الملاحدة الله 通鑑紀事本末

飽食不言其自為計則得矣如陛下何陛下詢訪理道 對來白居易嘗因論事言陛下錯上色莊而罷密召承 開納直言實天下之幸豈臣等之幸上遽令明日三殿 **青李絳謂曰居易小臣不遜須令出院絳曰陛下容納** 徳也上悦待居易如初 自陳為盧從史所離間乞輸貢賦請官吏許其自新吃 下今日罪之臣恐天下各思籍口非所以廣聰明昭聖 直言故羣臣敢竭誠無隱居易言雖少熟志在納忠陛 **5四月百三** 秋七月庚子王承宗遣便

默以謝天下乎給事中段平仲吕元膺言永璀可斬奏 絳奏稱陛下不責承璀它日復有敗軍之將何以處之 天下卒無成功陛下縱以舊恩不加顯戮豈得全不貶 左衛上將軍充左軍中尉裴垍曰承璀首唱用兵施 罷諸道行營將士共賜布帛一十八萬端匹加劉濟中 洗雪承宗以為成德軍節度使復以德棣二州與之悉 師道等數上表請雪承宗朝廷亦以師久無功丁未 秋九月己亥吐突承璀自行營還辛亥復

通鑑紀事本末

若或誅之則同罪異罰彼必不服若或釋之則誰不保 |爱身不言是臣負陛下言之而陛下惡聞乃陛下負臣 李絳面陳吐突承璀專横語極懇切上作色曰卿言大 身而玩冦乎願陛下割不忍之恩行不易之典使將帥 過絲泣曰陛下置臣於腹心耳目之地若臣畏避左右 庚申罷為兵部尚書 十二月翰林學士司勲郎中 有所懲勸問二日上罷承璀中尉降為軍器使中外相 中書侍郎同平章事裴均數以疾辭位冬十一月 四月白言 卷三十四上

宗之恥而財力不贍故不得不蓄聚耳不然朕宫中用 士如故絳嘗從容諫上聚財上曰今兩河數十州皆國 六年冬十一月已丑以户部侍郎李絳為中書侍郎同 家政令所不及河湟數千里淪於左衽朕日夜思雪祖 忠臣也它日盡言皆應如是已丑以終為中書舍人學 也上怒解曰卿所言皆人所不能言使朕聞所不聞

動監の日本た

型型

七年春三月丙戌上御延英殿李吉甫言天下已太平 陛下宜為樂李絳曰漢文帝時兵木無刃家給人足賈 者河南北五十餘州大戎腥羶近接涇隴烽火屢驚加 誼猶以為厝火積薪之下不可謂安今灋令所不能制 欽定四庫全書 之水旱時作倉廪空虚此正陛下宵衣旰食之時豈得 九年李絲屢以足疾辭位正月葵卯罷為禮部尚書 謂之太平遽為樂哉上於然日卿言正合朕意退謂左右 日吉甫專為悦媚如李絳真宰相也

上欲相絳先出吐突承璀為淮南監軍至是召還承璀 **十年夏六月賊殺武元衡詔中外搜捕成德進奏院有**

恒州卒張晏等行止無狀神策將軍王士則等告王承 表出示百家議其罪事見憲宗 宗遣晏等殺元衡吏捕得晏鞫之詔以王承宗前後三 し丑以表度為中書

其朝貢曰其其緣然改過東身自歸攻討之期更俟後

通鑑紀事本末

郎同平章事

秋七月甲戌詔數王承宗罪惡

許表十上乃聴至貝州丙午引正軍于貝州 弘正屯兵於其境承宗屢敗之弘正念表請擊之上不 為之止弘靖乃求罷 役並與恐國力所不支請併力平淮西乃征恒冀上不 一月王承宗縱兵四掠幽滄定三鎮皆苦之爭上表請 月韶發振武兵二千會義武軍以討王承宗 定四庫全書 ·承宗上欲許之中書侍郎同平章事張弘靖以為雨 上雖絕王承宗朝貢未有詔討之魏博節度使田 送三十四上 冬

年之慣邑欲太平之功速成故也上不聴 齊而蔡燕趙皆應之卒致朱泚之亂由德宗不能忍點 州我武横海魏博昭義六道進討幸貫之屢請先取吳 武彊斬首千餘級 未劉總破成徳兵斬首千餘級 元濟 後討承宗曰陛下不見建中之事 乎始於討魏及 節定四事全書! 昭義節度使都士美奏破成徳兵斬首千餘級 年春正月乙亥幽州節度使劉總奏敗成徳兵拔 癸未制削王承宗官爵命河東幽 通鑑紀事本末 辛酉魏博奏敗成徒

壘以環柏 首二千五百級乙丑義武節度使渾錦奏破成徳兵 成德兵於南宫殺二千餘人 九門殺千餘人鎬瑊之子也 **兵拔其固城乙丑又奏,拔其鵐城** 奏大破承宗之衆於柏鄉殺千餘人降者亦如之為 望獨昭義節度使都士美引精兵壓其境已未士美 劉總軍樂壽 十一月壬寅程執恭奏敗成德兵 四月劉總奏破成徳兵於深州 諸軍討王承宗者互 七月田弘正奏破 三月幽州節

之甥也 **斂軍中衣以歸錦以兵衛送還朝楚定州人張茂昭** 督其戰鎬引兵進薄恒州與承宗戰大敗與還定州 掠鎬及家人衣至於保露陳楚馳入定州鎮遏亂 两午詔以易州刺史陳楚為義武節度使軍中聞之 潛遣兵入鎬境焚掠城邑人心始內顏而搖會中使 要勝遂引全師壓其境距恒州三十里而軍承宗懼 通鑑犯事本末 四十七

長河斬首干餘級

義武節度使渾錦與王承宗戰

十二年春三月郁士美敗於柏鄉拔營而歸士卒死者 定匹庫全書 戊辰賜程執恭名權 戊寅王承宗遣兵二 卷三十四上

鉝

萬入東光斷白橋路程權不能禦以衆歸滄州 討王承宗者兵十餘萬回環數千里玩無統帥又相去 期約難一由是歷二年無功千里饋運牛驢死者什

四五劉總既得武彊引兵出境纔五里留屯不進月給

度支錢十五萬給李逢吉及朝士多言宜併力先取淮

西侯淮西平乗其勝勢回取恒冀如拾於耳上猶豫久

乃從之丙子罷河北行營各使還鎮

請以二子為質及獻德棣二州輸租稅請官吏弘正為 不煩兵而服愈白度為書遣之承宗懼求哀於田弘正 元濟既就擒王承宗破膽矣願得奉丞相書往說之可 十三年 裴度之在淮西也布衣柏香以策干韓愈曰呉

棣二州圖印至京師

庚辰韶洗雪王承宗及成徳將

之夏四月甲寅朔魏博遣使送承宗子知感知信及徳

之奏請上初不許弘正上表相繼上重違弘正意乃

|少欲使之攝軍務承元請盡節天子以遵忠烈王之志 士復其官爵 將固請不已承元曰天子遣中使監軍有事當與之 皆在朝諸將欲取帥於屬內諸軍參謀崔燧以承宗祖 十五年冬十月王承宗薨其下祕不發喪子知感知信 及監軍至亦勸之承元曰諸公未忘先德不以承元年 使承元承元時年二十將士拜之承元不受泣且拜諸 母涼國夫人命告論諸將及親兵立承宗之弟觀察支 定四庫全書 及移鎮義成將士諠譁不受命承元與柏者召諸將以 元既請朝命諸將及鄰道爭以故事勸之承元皆不聴 大夫鄭覃詣鎮州宣慰賜錢一百萬編以賞将士王承 使以王承元為義成節度使 展監軍奏承宗疾亟弟承元權知留後并以承元表聞 諸公肯從之乎衆許諾承元乃視事於都將聽事令左 右不得謂己為留後委事於參佐密表請朝廷除帥庚 成德軍始奏王承宗薨乙酉徙田弘正為成德節度 十一月癸卯遣諫議

行承元悉命留之 然使承元違天子之詔其罪大矣告李師道之未敗也 詔青諭之諸將號泣不從承元出家財以散之擇其勞 者權之謂曰諸公以先代之故不欲承元去此意甚厚 軍中乃定丁未承元赴滑州將吏或以鎮州器用財貨 亦諸将也諸將勿使承元為師道則幸矣因涕泣不自 且拜之十将李寂等十餘人固留承元承元斬以徇 定四庫全書 廷嘗赦其罪師道欲行諸將固留之其後殺師道者

兵於京西防秋仙奇遣都知兵馬使蘇浦悉將淮西精 兵皆乗縣謂之縣軍陳仙竒舉淮西降緩數月詔發其 奉國四將步兵尤精者為左右克平十將淮西少馬精 已酉以度王諒為申光隨蔡節度大使以少誠為留後 留後少誠素校險為李希烈所罷任故為之報仇七月 唐德宗貞元二年淮西兵馬使吳少誠殺陳仙竒自為 定四庫全書 憲宗平准祭具元濟 初李希烈據淮西選騎兵尤精者為左右門槍 通鑑紀事本末

他宗討吳少誠附

以詔書緣道誘之得百三十餘人至汴州盡殺之其潰 門槍兵馬使吳灋超等使引兵歸浦不之知灋超等引 兵五千人以行會仙奇為吳少誠所殺少誠密遣人召! 之斬灋超殺其士卒三分之二上命亦州刺史劉玄佐 賊皆潰入山谷吳灋超師其衆趣長水都將燕子楚擊 賊眾大敗擒其騾軍兵馬使張崇獻英岸追至永寧東 泌發兵防遇勿令濟河沁遣押牙唐英岸将兵邀擊之 步騎四千自鄜州叛歸上急遣中使勃陝號觀察使李

十三年冬十月淮西節度使吳少誠擅開刀溝入汝上 大將朱旻曹濟犇長安 兵完城欲拒朝命判官鄭常大將楊冀謀逐之詐為手 軍門以令防秋之衆 夏五月中蔡留後吳少該繕 詔賜諸将申州刺史張伯元等事泄少誠殺常冀伯元 也沙執張崇獻等六十餘人送京師詔悉腰斬於鄜 以其少悉斬之以聞且遣使以幣謝李泌為其破叛卒 兵在道復為村民所殺得至蔡者緣四十七人吳少誠

通鑑紀事本末

造中使諭止之不從命兵部郎中盧奉往詰之少誠曰 十五年春三月甲寅吳少誠遣兵襲唐州殺監軍邵國 十四年秋九月彰武節度使吳少誠遣兵掠壽州霍山 承天子之令而不從何以使下吏從公之令乎少誠源 開此水大利於人奉曰君令臣行雖利人臣敢專乎公 殺鎮過使謝詳侵地二十餘里置兵鎮守 朝鎮遇使張嘉瑜掠百姓千餘人而去 秋八月丙申

華陳許大將孟元陽拒却之陳許都知兵馬使安國寧 擊少誠大破之城由是全昌裔究州人也少誠又冠西 弊蔑不克矣少誠晝夜急攻昌裔募勇士千人鑿城出 辨賊但閉城勿與戰不過數日賊氣自衰吾以全制其 州沉欲棄城走營田副使劉昌裔止之曰城中兵足以 皆為少誠所屬丙午以沒為陳許節度使少誠遂圍許 史上官沒知陳許留後遣大將王令愚將兵三千救之 陳許節度使曲環薨乙未呉少誠遣兵掠臨頹陳州

東足日事 ·

通鑑紀事本末

知壽州事王宗與上官院韓弘進擊吳少誠屢破之十 麾下人給二無伏兵要卷見持無者悉斬之無得脱者 與上官沉不叶謀都城應少該劉昌高以計斬之召其 由是失勢 山南東道節度使于明安黃節度使伊慎 以韓弘為宣武節度使先是少誠遣使與宣武節度使 弘悉驅出斬之選卒三千會諸軍擊少談於許下少誠 丙辰韶削奪吳少誠官爵令諸道進兵討之 辛酉 全諒約共攻陳許以陳州歸宣武使者數華猶在館

無統帥每出兵人自規利進退不一乙未諸軍自潰於 **尉電文場愛厚之薦於上使統諸軍討呉少誠二月し** 誠戰皆不利而退夏綏節度使韓全義本出神策軍中 十六年春正月乙已恒冀易定陳許河陽四軍與呉少 月壬子于頔奏拔吳房朗山 ,溵水委棄器械資糧皆為少誠所有於是始議置招 7以全義為蔡州四面行營招討使十七道兵皆受全 諸軍討吳少誠者既

便定日車至書 1

通鑑紀事本末

之全義退保五樓少陽滄州清池人也 全義不存撫人有離心五月庚戌與吳少誠將吳秀吳 紛然莫能決而罷天漸暑士卒久屯沮洳之地多病疫 為大帥每議軍事官官為監軍者數十人坐帳中爭論 少就進擊韓全義於五樓諸軍復大敗全義夜道保般 少陽等戰于激南廣利原鋒鏑未交諸軍大潰秀等乗 九月癸丑吳少誠進逼溵水數里置營韓 秋七月呉

我節度 韓全義素無勇略專以巧佞貨路結官官得

喜心服之己未孟元陽等與少誠戰殺二千餘人 十月吳少誠引兵還察州先是韋阜聞諸軍討少誠無 登城謂之曰天子命公討蔡州令乃來此昌裔不敢納 全義復帥諸軍退保陳州宣武河陽 兵私歸本道獨陳 將郭相等斬之欲以威衆全義至陳州刺史劉昌裔 誘昭義將夏侯仲宣義成將時昂河陽將權文變河 舍于城外既而昌裔齎 牛酒入全義營犒師全義驚 將孟元陽神策將蘇光榮帥所部留軍激水全義以

钦定四庫全書 一人

通鑑紀事本末

請罪而赦之罷兩河諸軍以休息公私亦策之次也若 少誠一旦罪盈惡稔為麾下所殺則又當以其爵位授 臣請以精鋭萬人下巴峽出荆楚以前凶逆不然因其 功上言請以渾瑊賈耽為元帥統諸軍若重煩元老則 幣於監官軍者求昭洗監軍奏之茂子詔赦少誠及彰 賊意蓋亦望恩貸恐須開其生路上然之會少談致書 之是除一少誠生一少誠為思無窮矣買耽言於上曰 義將士復其官爵

憲宗元和四年 順宗永貞元年春三月加彰義節度使吳少誠同平章 少誠其功大矣何必殺人然後為功邪閏月甲戌歸百 對放為全義引咎謝無功上曰全義為招討使能招來 七年春正月甲寅韓全義至長安實文場為掩其 一禮遇甚厚全義稱足疾不任朝謁遣司馬崔放 初吳少誠罷其大將吳少陽名以從

飲定日華 全書

通鑑紀事本末

六年春正月甲辰以彰義留後吳少陽為節度使 陽為淮西留後 薨少陽自為留後 病不知人家僮鮮于熊兒詐以少誠命召少陽攝副使 弟署為軍職出入少誠家如至親累遷申州刺史少誠 知軍州事少誠有子元慶少陽殺之十一月己已少該 九年閏八月丙辰彰義節度使吳少陽薨少陽在蔡州 五年上以河朔方用兵不能討吳少陽三月己未以少 卷三十四上

鎮不應屯重兵以示猜阻辛酉以河陽節度使烏重焴 離請徙理壽州以經營之會朝廷方討王承宗未暇 及吉甫入相田弘正以魏博歸附吉甫以為汝州扞蔽 攝蔡州刺史元濟匿喪以病聞自領軍務上自平蜀即 陰聚亡命牧養馬騾時抄掠壽州茶山以實其軍其子 都河陽宿兵本以制魏博今弘正歸順則河陽為內 汝州刺史充河陽懷汝節度使徒理汝州己已弘正 取淮西淮南節度使李吉甫上言少陽軍中上下攜

通鑑紀事本末

五十六

檢校右僕射賜其軍錢二千萬編弘正曰吾未若移河 以淮西虚實及取元濟之策告李吉甫請討之時元濟 節度使吳少陽判官蘇兆楊元卿大將侯惟清皆勸少 陳州刺史充忠武軍都知兵馬使以泗州刺史令孤通 陽軍之為喜也 陽入朝元濟惡之殺兆囚惟清元卿先奏事在長安具 為壽州防禦使通彰之子也因成以山南東道節度使 **表滋為荆南節度使以荆南節度使嚴緩為山南東道** 定四庫全書 九月庚辰以名州刺史李光顏為 卷三十四上

濟殺元卿妻及四男以巧射堋淮西宿將董重質吳 近四十日不為輟朝但易環葵諸鎮將帥益兵為備元 可支也失今不取後難圖矣上將討之張弘靖請先為 -從之遣工部員外郎李君何界祭元濟不迎勅使發)婿也元濟以為謀主 李吉甫言於上曰淮西非 !報朝贈官遣使男贈待其有不順之迹然後加兵 北四無黨援國家常宿數十萬兵以備之勞費不

匿喪元卿勸吉甫凡蔡使入奏者所在止之少陽死

三日華 全馬

通繼紀事本末

兵四出屠舞陽焚禁掠魯山襄城關東震駭君何不得 官爵命宣武等十六道進軍討之嚴終擊淮西兵小勝 度使甲子以嚴緩為申光蔡招撫使督諸道兵招討吳 入而還。冬十月壬戌以忠武節度副使李光顏為節 不設備准西兵夜還襲之二月甲辰緩敗于磁丘却五 十年吳元濟縱兵侵掠及於東畿正月己亥制削元濟 -餘里馳入唐州而守之壽州團練使令狐通為淮西

鋒行營兵馬都虞候二牒授之選卒六千以屬聽戒其 綽曰朝廷以吾書生不知兵邪即奏請自行許之公綽 至安州李聽屬秦難迎之公綽以野岳都知兵馬使先 兵所敗走保州城境上諸柵盡為淮西所屠癸丑以左 校曰行營之事一決都將聽感恩畏威如出麾下公 吾大將軍李文通代之貶通昭州司户部郭岳觀 號令整肅區處軍事諸將無不服士卒在行營者 柳公綽以兵五千授安州刺史李聴使討呉元濟公

?」) 通鑑紀事本末

此良馬可惜公綽曰材良性為何足惜也竟殺之 馬跟殺圉人公綽命殺馬以祭之或曰圉人自不備耳 破淮西兵於南頓 吳元濟遣使求救於恒軍王承宗 中丞為我治家我何得不前死故每戰皆捷公綽所 三月庚子李光顏奏破淮西兵於臨頹 布將兵三千助嚴終討呉元濟 甲辰李光顏又奏 定四庫全書 師道數上表請赦元濟上不從是時發諸道兵討己 疾病死喪厚給之妻淫決者沈之於江士卒皆喜曰 田弘正遣其

絡匹穀二萬餘斜於是人情惟懼奉臣多請罷兵上不 救祭一奇也師道從之自是所在盜賊竊發辛玄募 百切都市焚官關則朝廷未暇討蔡先自救腹心此亦 官軍討元濟實欲為元濟之援也師道素養刺客奸 十人攻河陰轉運院殺傷十餘人燒錢帛三十餘萬 河陰院積江淮租賦請潛往焚之募東都惡少年數 十人厚資給之其徒説師道曰用兵所急莫先糧 而不及淄青師道使大將將三千人趨壽春聲言助

通鑑紀事本末

營宣慰察用兵形勢度還言淮西必可取之狀且曰觀 諸軍討淮西久未有功五月上遣中丞裴度請行 庫全書

天下之全力其破敗可立而待然所未可知者在陛下 **誥韓愈上言以為淮西三小州殘弊困劇之餘而當** 將惟李光顏勇而知義必能立功上悦考功郎中

三千人勢力單弱羇旅異鄉與賊不相諳委望風懾 與不斷耳因條陳用兵利害以為今諸道發兵各

帥以其客兵待之既簿使之又苦或分割隊伍兵將

卒皆國家百姓若勢力窮不能為惡者不須過有殺戮 **壘而李光顏不得出乃自毀其柵之左右出騎以擊之** 有自備衣糧保護鄉里若令召募可立成軍賊平之後 遠勞費倍多聞陳許安唐汝壽等州與賊連接處村落 易使歸農乞悉罷諸道軍募土人以代之又言蔡州士 百姓悉有兵器習於戰鬪識賊深淺比來未有處分猶 丙申字光顏奏敗淮西兵於時曲淮西兵是壓其

通鑑紀事本末

相失心孤意怯難以有功又其本軍各須資遣道路点

光顏自將數騎街其陣出入數四賊皆識之矢集其身 甫薨悉以用兵事委武元衡李師道所養客說師道曰 淮西兵大潰殺數千人上以裴度為知人 上自李吉 如蝟毛其子攬轡止之光顏舉刃叱去於是人爭致死 一說少卿至中書解指不遜,元衡叱出之承宗又上書訴 即資給遣之王承宗遣牙將尹少卿奏事為吳元齊遊 死則它相不敢主其謀爭勸天子罷兵矣師道以為然 天子所以鋭意誅蔡者元衡贊之也請密往刺之元衡 定四庫全書 卷三十四上

毁元衡六月癸卯天未明元衡入朝出所居靖安坊 府縣曰毋急捕我我先殺汝故捕賊者不敢甚急 賊斷義臂而去京城大駭於是詔宰相出入加金吾 有賊自暗中哭出射之從者皆散走賊執元衙馬 首墜溝中度擅帽厚得不死無人王義自後抱賊大 餘步而殺之取其顱骨而去又入通化坊擊裝度傷 士張弦露刃以衛之所過坊門呵索甚嚴朝士未 出門上或御殿久之朝班猶未齊賊遺紙於金吾

定日車全書

通鑑紀事本末

不獲者此朝廷之辱也因沸泣又詣中書揮沸言請奏 部侍郎許孟容見上言自古未有宰相横尸路隔而盗 晏等八人命京兆尹裴武監察御史陳中師鞘之癸亥 神寒將軍王士則等告王承宗遣晏等殺元衡吏捕得 是京城大索公卿家有複壁重棒者皆索之成德軍進 搜捕獲賊者賞錢萬緣官五品敢庇匿者舉族誅之於 起裴中丞為相大索賊黨窮其姦源戊申詔中外所在 奏院有恒州卒張晏等數人行止無狀衆多疑之展茂

德宗多猜 忌朝士有相過從者金吾皆何察以聞宰相 度為中書侍郎同平章事度上言淮西腹心之疾不 不除且朝廷業已討之兩河藩鎮跋扈者將視此為髙 安恒鄆之心上怒曰若罷度官是好謀得成朝廷無復 不可中止上以為然悉以用兵事委度討賊愈急 紀吾用度一人足破二賊甲子上召度入對乙丑 通監把事本未

詔以王承宗前後三表出示百家議其罪裴度病瘡卧

二句 詔以衛 兵宿其第中使問訳不絕或請 罷度官以

所遣神將多立功故使鎮襄陽且督諸軍討呉元濟: 才與參謀議始請於私第見客許之陳中師按張晏等 具服殺武元衡張弘靖疑其不實屢言於上上不聴戊 無它材能到軍之日傾府庫賚士卒累年之積一朝 展斬晏等五人殺其黨十四人李師道客竟潛匿亡去 不敢私第見客度奏今冠盗未平宰相宜招延四方賢 敏定四庫全書 · 八月乙丑李光顏敗於時曲 衛者乃是李師道事見憲宗討淄青捕賊獲中岳寺僧園净按驗其當始知 初上以嚴終在河東

愍光 士使者進妓容色絕世一座盡驚光顏謂使者曰相 舉大梁城索得一美婦人教之歌舞絲竹飾以珠玉金 閉壁經年無尺寸功裝度屢言其軍無政九月於酉以 盡又厚點官官以結聲接擁八州之眾萬餘人屯境 淮西速平李光顏在諸将中戰最力弘欲結其數 弘為淮西諸軍都統弘樂於自擅欲倚賊以自重不 直數百萬錢遣使遺之使者先致書光顏乃大樂 九顏 羁旅賜以美妓荷德誠深然戰士數萬皆棄家

通監記事本末

遠來冒犯白刃光顏何忍獨以聲色自娛悦乎因流涕 申韓弘請命眾軍合攻淮西從之李光顏鳥重盾敗 議以唐與蔡接故使霞寓專事攻戰而遜調五州之賦 光顏多謝相公光顏以身許國誓不與逆賊同戴日月 房節度使右羽林大將軍高霞寫為唐隨鄧節度使 新定四庫全書 者皆泣即於席上厚以繪帛贈使者并妓返之曰為 冬十月以户部侍郎李遜為襄復郢 一月壽州刺史李文通奏敗淮西兵壬

十一年春三月壽州團練使李文通奏敗淮西兵於固 冥少陽聞信州人異武陵名邀以為賓友武陵不答及 襄州佛寺軍儲盡徙京城積草於四郊以備火丁丑李 與足下一也足下及天子人亦及足下易地而論則其 文通敗淮西兵於固始戊寅盜焚獻陵寢官永卷 **兀濟反武陵以書諭之曰足下勿謂部曲不我欺人情** 通鑑紀事本末

钦定四車全書一人

西兵於小溵水拔其城乙亥以嚴綬為太子少保盗焚

李光顏鳥重角奏敗淮西兵於陵雲柵斬首二千餘級 始上聞中外駭愕宰相入見將勸上罷兵上曰勝負兵 討准西者勝則虚張殺獲敗則匿之至是大敗不可掩 **倚奏敗淮西兵於陵雲柵斬首五千級** 山斬首千餘級焚二柵 家之常今但當論用兵方畧察將帥之不勝任者易之 六月甲辰高霞寫大敗於鐵城僅以身免時諸 夏四月庚子李光顏鳥重 五月壬申

放鐵山己卯唐鄧節度使高霞寓奏敗淮西兵於朗

郾城之衆二萬殺二千餘人捕屬千餘人 光蔡唐隨都觀察使以唐州為理所壬午宣武軍奏破 退保唐州 酉李光顔鳥重角奏拔吳元濟陵雲柵丁玄光顔又奏 是獨用装度之言它人言罷兵者亦稍息矣已酉霞寫 河南尹鄭權為山南東道節度使表滋為彰義節度申 秋七月丁丑貶霞寓為歸州刺史遜亦左遷恩王傅以 上責高霞寓之敗霞寓稱李遜應接不至

通鑑紀事本末

兵食不足者助之耳 宣得以一將失利遠議罷兵那於

由是不復以滋為意朝廷知之甲寅以太子詹事李 帛以勸死士庚寅先加李光顏等檢校官而詔書切責 示以無功必罰 辛卯李文通奏敗淮西兵於固始斬 梁守謙宣慰因留監其軍授以空名告身五百通及金 軍近九萬上怒諸將久無功冬十一月辛已命知樞 犯吳元濟境元濟圍其新興柵滋早解以請之元濟 石越二棵壽州奏敗溵城之衆拔六棵 十二月袁滋至唐州去斥候止其兵不 討淮西諸

世居人 明日 卷三十四上

存恤之不事威嚴或以軍政不肅為言愬曰吾非不 攻進取非吾事也衆信而安之想親行視士卒傷病者 討淮西諸軍省汴運之費七萬餘 子院米自淮陰泝淮入頗至項城入溵輸于郾城以饋 曰天子知想柔懦能忍恥故使來扮循爾曹至於戰 二年春正月甲申貶表滋為撫州刺史李愬至唐州 承喪敗之餘士卒皆憚戰勉知之有出逐者想謂 通鑑紀事本末

為唐隨都節度使親聽之兄也

初置淮顏水運使

色愬曰真丈夫也命釋其縛士良乃自言本非准西士 |示之以不肅彼必以吾為懦而解惰然後可圖也淮西 吳元濟捉生属候丁士良與戰擒之士良元濟縣將常 騎二千給之丁酉想遣十將馬少良將十餘騎巡邏遇 也索尚書專以恩惠懷賊賊易之聞吾至必增備吾故 為東邊思眾請刻其心想許之既而召詰之士良無懼 人自以嘗敗髙袁二帥輕愬名位素微遂不為備 一月李愬謀襲蔡州表請益 兵詔以昭義河中廊坊步

新 定 匹 庫 全 書

卷三十四上

治為之謀主也光治勇而輕好自出戰請為公先擒光 三千之衆據文城柵為賊左臂官軍不敢近者有陳光 德親乃給其衣服器械署為捉生將 奏克蔡州古葛伯城 丁士良言於李愬曰呉秀琳 力屈復為公所擒亦分死矣今公又生之請盡死以報 我而用之我因異氏而再生故為異氏父子竭力昨 負元中隷安州與呉氏戰為其所擒自分死矣呉氏釋 己亥淮西行營

治則秀琳自降矣戊申士良擒光治以歸

淮西被兵

ALI DI ALIA I

通鑑紀事本末

數年竭倉廪以奉戰士民多無食采菱炭魚幣鳥獸食 之亦盡相帥歸官軍者前後五千餘户賊亦患其耗 也想曰此待我至耳即前至城下秀琳東兵投身馬足 并置兵以衛之 食不復禁庚申勃置行縣以處之為擇縣令使之撫養 西五里遣唐州刺史李進誠將甲士八千至城下召秀 城中矢石如雨聚不得前進誠還報賊偽降未可信 吳秀琳以文城柵降于李想戊子親引兵至文城 四月百十二 三月乙丑李愬自唐州徙屯宜陽

博等軍相繼皆渡進逼郾城丁亥李光顏敗淮西兵三 曹皆王人勿棄親戚衆皆感泣官軍與淮西兵夾般水 引兵五千度溵水據要地為城於是河陽宣武河東魏 於道隨其所便而置之間有父母者給栗帛遣之曰汝 城於是唐鄧軍氣復振人有欲戰之志賊中降者相繼 勇愬更其名曰忠義而用之悉遷婦女於唐州入據其 而軍諸軍相顧望無敢渡溵水者陳許兵馬使王沛先 下愬撫其背慰勞之降其衆三千人秀琳将李憲有以

飲定四庫全書 人

拔路口柵夏四月辛卯山河十将馬少良下嵖岈山擒 城歸路即城守將鄧懷金謀於昌齡昌齡勸之歸國懷 淮西將柳子野吳元濟以蔡人董昌齡為郾城令質其 山河十将董少玢等分兵攻諸柵其日少玢下馬鞍山 母楊氏楊氏謂昌齡曰順死賢於逆生汝去逆而吾死 金乃請降於李光顏曰郾城人之父母妻子皆在蔡州 乃孝子也從逆而吾生是戮臣也會官軍圍青陵絕即

萬於郾城走其將張伯良殺士卒什二三己五字想遣

想遣柳子野李忠義襲朗山擒其將梁布果 將 重質將騾軍守泗曲元濟悉發親近及守城卒話重質 西平丙午遊奕兵馬使王義破楚城 以拒之李愬山河十將為雅田智榮下治爐城丙午十 城降光顏引兵入據之吳元濟聞郾城不守甚懼時董 公來攻城吾舉烽求救兵至公逆擊之蔡兵必敗然 閣士祭下白狗汶港二柵 降則父母妻子庶免矣光顏從之乙未昌齡懷金舉 癸卯媯雅田智崇破 五月辛酉李

欽定四庫全書 八

通鑑紀事本末

必親引問委曲由是賊中險易遠近虚實盡知之想厚 常陵暴官軍庚辰祐帥士卒刈麥於張柴村親召廂虞 待吳秀琳與之謀取蔡秀琳曰公欲取蔡非得李祐不 於前若将焚其麥積者祐素易官軍必輕騎來逐之爾 想造方城鎮過使李榮宗擊青喜城拔之想每得降卒 候史用誠戒之曰爾以三百騎伏彼林中又使人搖幟 乃發騎掩之必擒之用誠如言而往生擒祐以歸将士 可如秀琳無能為也祐者淮西騎將有勇略守與橋柵

子乃械祐送京師先密表其狀且曰若殺祐則無以成 勝衆口也因謂衆曰諸君既以祐為疑請令歸死於天 **泣曰豈天不欲平此賊邪何吾二人相知之深而不能** 益厚士卒亦不悦諸軍日有牒稱祐為賊内應且言得 至夜分它人其得預聞諸將恐祐為變多諫愬親待祐 時愬欲襲蔡而更密其謀獨召祐及李忠義屏人語或 賊謀者具言其事想恐謗先達於上已不及救乃持祐

以祐鄉日多殺官軍爭請殺之想不許釋縛待以客禮

钦包日華全書

通鑑紀事本末

獨散然曰此吾計也乃募敢死士三千人號曰哭將朝 時唐隨歹隊三千人號六院兵馬皆山南東道之精鋭 之靈也乃署散兵馬使令佩刀巡警出入帳中或與之 酉憩遣兵攻朗山淮西兵救之官軍不利衆皆悵恨恕 除其令使厚待之謀反以情告愬恕益知賊中虚實己 同宿密語不寐達曙有竊聴於帳外者但聞祐感泣聲 功記釋之以還親親見之喜執其手曰爾之得全社稷 也想又以祐為六院兵馬使舊軍令舍賊謀者屠其家

古等競言師老財竭意欲罷兵裝度獨無言上問之對 曰臣請自往督戰秋七月乙卯上復謂度曰卿真能為 **饋運疲弊民至有以驢耕者上亦病之以問宰相李逢** 朕行乎對曰臣誓不與此賊俱生臣比觀吳元濟表勢 及大將董重質所制不得出 諸軍討淮西四年不克 謝罪願東身自歸上遣中使賜詔許以不死而為左右 吳元濟見其下數叛兵勢日壓六月壬戌上表

灾民日野公益

通鑑紀事本末

夕自教習之使常為行備欲以襲蔡會久雨所在積

章事制下度以韓弘已為都統不欲更為招討請但稱 慰招討處置使又以户部侍郎崔奉為中書侍郎同平 實窘壓但諸将心不一不併力迫之故未降耳若臣自 宣慰處置使乃奏刑部侍郎馬總為宣慰副使右庶子 度為門下侍郎同平章事無彰義節度使仍充淮西宣 請行營諸將恐臣奪其功必爭進破賊矣上悦丙戌以 之度將行言於上曰臣若滅賊則朝天有期賊在則歸 韓愈為彰義行軍司馬判官書記皆朝廷之選上皆從 卷三十四上

書舍人 李光顏鳥重角與淮西戰癸亥敗于賈店 事乃請改制書數字且言其草制失辭壬戌罷楚為中 林學士令狐楚與逢吉善度恐其合中外之勢以沮軍| 順之門為伽遠貶辛酉貶茂和永州司馬以嘉王傅高 送之右神武將軍張茂和茂昭弟也當以膽略自街於 度度表為都押牙茂和辭以疾度奏請斬之上曰此忠 承簡為都押牙承簡崇文之子也李逢吉不欲討蔡翰 閥無日上為之流涕八月 庚申 度赴淮西上御通化門 大型田里山西 通鑑紀事本末

楚丘曹華知而為備擊却之度雖解招討名實行元帥 裴度過襄城南白草原淮西人以驍騎七百邀之鎮將 陳進退不由主將勝則先使獻捷不利則陵挫百端度 事以郾城為治所甲申至郾城先是諸道皆有中使監 其不意彼以往亡不吾虞正可擊也遂往克其外城斬 子淮西兵冠般水鎮殺三將焚勢豪而去 悉奏去之諸將始得專其軍事戰多有功 將攻吳房諸將白今日往亡愬曰吾兵少不足戰宜出 卷三十四上 甲寅李愬 九月庚

之元濟已成擒矣愬然之冬十月甲子遣掌書記鄭解 守州城者皆贏老之卒可以乗虚直抵其城比賊將聞 或勸恕乗勝攻其子城可拔也想曰非吾計也引兵還 至郾城密白裴度度曰兵非出奇不勝常侍良圖也 李祐言於李愬曰蔡之精兵皆在回曲及四境拒

將孫獻忠果以驍騎五百追擊其背衆驚將走想下馬

胡林令曰敢退者斬返旆力戰獻忠死淮西兵乃退

首千餘級餘衆保子城不敢出想引兵還以誘之淮西

通監紀事本末

殺其戍卒及烽子據其柵命士卒少休食乾精整羁勒 是等留鎮文城命李祐李忠義帥哭將三千為前驅自 大呼而進注弩挺刃勢將及度李光顏與田布力戰拒 裴度帥僚佐觀築城於沱口董重質的騎出五溝邀之| 與監軍將三千人為中軍命李進誠將三千人殿其後 之度僅得入城賊退布扼其溝中歸路賊下馬踰溝墜 壓死者千餘人辛未李愬命馬步都虞候隨州刺史史 出不知所之愬曰但東行行六十里夜至張柴村盡 卷三十四上 蔡州城下三十餘年故蔡人不為備壬申四鼓親至城 |鵝鴨池愬令驚之以混軍聲自吳少誠拒命官軍不至| 然畏想莫敢違夜半雪愈甚行七十里至州城近城有 張柴村以東道路皆官軍所未當行人人自以為必死 祐姦計時大風雪旌旗裂人馬凍死者相望天陰黑自 想曰入蔡州取吳元濟諸將皆失色監軍哭曰果落李 留義成軍五百人鎮之以斷朗山救兵命丁士良將五 百人斷洄曲及諸道橋梁復夜引兵出門諸將請於之

通監記事本末

於此乃帥左右登牙城拒戰時董重質擁精兵萬餘人 遂開門納眾及裏城亦然城中皆不之覺鷄鳴雪止恕 從之守門卒方熟寐盡殺之而留擊称者使擊柝如故 日常侍傳語應者近萬人元濟始懼曰何等常侍能至 此必回曲子弟就吾求寒衣也起聴於廷聞憩軍號令 俘囚為盜耳晓當盡戮之又有告者曰城陷 矣元濟曰 下無一人知者李祐李忠義钁其城為坎以先登壯士 欽定四庫全書 入居元濟外宅或告元濟日官軍至矣元濟尚震笑曰

攻之燒其南門民爭員薪芻助之城上矢如蝟毛餔時 遭李進誠攻牙城毀其外門得甲庫取其器械癸酉復 撫之遣其子傳道持書諭重質重質遂單騎詣郑降恕 吏帳下厨殿之卒皆復其職使之不疑然後屯於鞠場 送元濟指京師且告于裴度是日中光二州及諸鎮 門壞元濟於城上請罪進誠梯而下之甲戌愬以檻車 |萬餘人相繼來降自元濟就擒不戮一人凡元濟官 通豐紀事本末 キ五

四曲想曰元濟所望者重質之救耳乃訪重質家厚

曲軍也字光顏即入其壁悉降其衆庚辰裴度遣馬總 以待裴度 尊度乃受之李愬還軍文城諸將請曰始公敗於朗山 李愬具索鞬出迎拜於路左度將避之愬曰蔡人頑悖 先入蔡州慰撫辛已度建彰義軍節降卒萬餘人入城 日朕討淮西為人除害珍寶非所求也董重質之去洄 元卿言於上曰淮西大有珍寶臣能知之往 取必得上 不識上下之分數十年矣願公因而示之使知朝廷之 定四庫全書 | 己卯淮西行營奏獲吳元濟光禄少卿楊

併 顧 欽 吾至孤軍深入則人皆致死戰自倍矣夫視遠者 功乎衆皆服想儉於奉己而豊於待士知賢不疑 力 定 不憂勝於果房而不取冒大風甚雪而不止孤軍 憲大者 上不利 四庫全書 固守故存之以分其兵風雪陰晦則烽火不接 懼然卒以成功皆聚人所不諭也敢問其故 此其所以成功也裴度以蔡卒為牙兵 不計 則賊輕我不為備矣取吳房則其眾森茲 細 若矜小勝恤 通鑑紀事本末 小敗先自撓矣

是吳氏父子阻兵禁人偶語於塗夜不燃燭有以酒食 元惡既擒蔡人則吾人也又何疑馬蔡人聞之感泣先 蔡人反仄者尚多不可不備度笑曰吾為彰義節度使 相過從者罪死度既視事下令惟禁盜賊關殺餘皆不 官軍戰亡者皆為收葬給其家衣糧五年其因戰傷 弘裴度條列平蔡將士功狀及蔡之將士降者皆差第 問往來者不限晝夜蔡人始知有生民之樂甲申詔韓 開淮西州縣百姓給復二年近賊四州免來年夏稅

悖逆不復知有朝廷矣自少誠以來遣諸将出兵皆不 烈吳少誠之威虐不能自拔久而老者衰幼者壯安於 |吳元濟獻廟社斬於獨柳之下初淮西之人切於李希 之敗於溵水也於其帳中得朝貴所與問訊書少誠東 東以灋制聴各以便宜自戰故人人得盡其才韓全義 而示眾曰此皆公卿屬全義書云破蔡州日乞一将 廢者勿停衣糧十一月丙戌朔上御與安門受俘遂

女為婢妾由是衆皆憤怒以死為賊用雖居中土其

通鑑紀事本末

定日華全書

賜爵涼國公加韓弘無侍中李光顏鳥重爲等各遷官 攻之四年然後克之茂子以李想為山南東道節度使 風俗擴戾過於夷貊故以三州之衆舉天下之兵環而 授梁守謙使誅吳元濟舊將度至郾城遇之復與俱入 **壬戌賜裴度爵晉國公復入知政事以馬總為淮西節** 蔡州量罪施刑不盡如詔旨仍上疏言之 裴度以馬總為彰義留後癸丑簽蔡州上封二劒以 辛丑以唐隨兵馬使李祐為神武將軍知軍事

不死乃取之 吳元濟謀主屢破官軍上欲殺之李愬奏先許重質以

k


) É


ĵ

通鑑紀事本末

度使

與辰貶淮西降將董重質為春州司户重質為





腾録監生臣軍可配校對官中書臣派布旦總校官庶吉士臣張能照